

BOLETIN INFORMATIVO TOKANTE KOMPANIANAN DI DEPORTE NÓUTIKO

Ordenansa maneho di naturalesa Bonaire

Introdukshon

E boletin informativo aki ta trata e stipulashonnan den e Ordenansa maneho di naturalesa Bonaire huntu ku e Dekretonan di ehekushon korespondiente aplikabel riba kompanianan di e deporte nóutiko.

Turismo ta un pilá importante pa nos ekonomia. Hopi turista ta bishitá Bonaire pa e naturalesa riba su mes i pa gosa di e naturalesa. E solo, laman, playanan, mundu supmarino, e paisahe, e kadushi/yatunan, paranan i yuananan tur ta kontribuí na e produkto turístiko. P'esei e kuido di nos naturalesa ta importante, Esaki no ta solamente un responsabilidat di gobièrnu òf STINAPA, pero di nos tur. Tambe di nos sektor turístiko i di nos bishitantenan.

Pèrmit pa kompanianan

E Dekreto parke marítimo Bonaire ku ta un dekreto ehekutivo di Ordenansa maneho naturalesa Bonaire ta stipulá ku sin pèrmit den e parke supmarino ta prohibí pa atministrá òf pa kontra pago:

- ehersé un kompania di buseo;
- duna lès òf instrukshon;
- transportá òf duna guia na personanan
- pone na disposishon boto òf material pa deporte nóutiko.

Un kompania di buseo ta un kompania ku ta hür ekipahe di buseo i ta ofresé servisionan manera yena tanki di buseo. Bou di duna lès i instrukshon mester komprondé duna lès di buseo, siña snòrkel, windsurf, kitesurf, zeilu,ski i otro tipo di deporte nóutiko. Lès di landamentu tin eksepshon. Transporte i guia di persona no ta solamente pa sambuyadónan pero

tambe pa esnan ku ta snòrkel òf bai kayak .

Transporte di personanan ku ke bai rekreá un dia ku taksi di laman tambe ta kai bou di e regla aki.

Entrenamentu i informashon

Kompanianan òf personanan ku tin un kompania ku ta hasi uso di e parke supmarino ta obligá di duna informashon di e reglanan na nan klientenan òf duna material di informashon di STINAPA.

Por lo ménos dos bes pa aña STINAPA Bonaire ta duna entrenamentu na personal di kompanianan di buseo. E entrenamentu ta konsentrá riba informashon tokante e reglanan di e parke supmarino i informashon tokante e promé práktika di buseo di un sambuyadó bishitante. Tur sambuyadó mester haña splikashon di e reglanan i mester hasi e promé práktika di sambuyá bou di

supervishon promé ku haña aksesu na e parke marítimo.

Aire komprimí i aparato pa sambuyá

Kompanianan di buseo ku tin un kòmprèsòr pa yena tankinan pa sambuyá mester di un pèrmit pa esaki. E Dekreto parke supmarino Bonaire ta pone ademas eksigensia na mantenshon di e kòmprèsòr i kalidat di e aire komprimí. Kompanianan di buseo ta obligá pa un bes den un kuartal laga analisá e kalidat di e aire komprimí i pone e resultado na disposishon pa kontrolá. E tankinan di buseo mester tin un stèmpel válido ku a kùr nan bon.

Aparato pa sambuyá ku ta hür e sambuyadónan mester ta den bon kondishon pa funshoná i ta haña un bes pa aña un mantenshon.

Botonan pa buseo

Botonan ku ta transportá sambuyadónan mester tin na bordo salbabida i di medionan di seguridat, aparato pa respirashon i un kaha di ferbant.

Botonan di buseo ku ta hasi uso di e buinan den e parke supmarino no mester ta mas largu ku 13 meter i nan por keda mará maksimal dos ora. Na e tipo di buinan ei por mara maksimal dos boto mas largu ku 4 meter òf na mes momento tres boto mas chikitu ku kuater meter.

Botonan mas haltu ku kuater meter no por mara na buinan na Windssock òf North Belnem.

No por usa e liña di e bui pa mara e boto. E boto di buseo ta usa su mes liña pa mara na e bui i e liña entre e boto i e bui mester ta seis meter .

Pèrmit pa konstrukshon

Ta prohibí pa sin pèrmit konstruí den, riba òf ariba di e parke supmarino, waf, trapi, plataforma, wafnan flotando òf otro konstrukshon .Pa ekspanshon, renovashon i mantenshon grandi di konstrukshonnan un pèrmit ta nesesario. Konstrukshon di waf no ta nesesario a ménos ku e ta un nesesidat a operashon di e kompania.

Pa konstrukshon di un waf òf un otro konstrukshon hopi bes mester di dos pèrmit: unu a base di Ordenansa pa maneho di naturalesa i un pèrmit pa konstruí. Tin un boletin informativo apart disponibel tokante petishon pa un pèrmit a base di Ordenansa maneho di naturalesa.

Pago pa uso di parkenan natural

Pa hasi uso di e parkenan di naturalesa mester paga. Tin diferente tipo di uso:

- Bishitantenan ku ta bin pa rekreashon
- Kompanianan ku ta hasi uso komersial
- Pa konstrukshon òf uso di opheto den parke marítimo.

STINAPA ku ta atministradó ta hasi kobransa i ta us'é pa maneho di e parkenan di naturalesa.

Uso pa rekreo

Si un bishitante hasi uso di e parke supmarino klaramente e por paga na ofisina di STINAPA. Pero tambe serka e sentro di buseo òf kompania di buseo kaminda e ta kliente. Di e manera aki tin mas atenshon pa e kliente. Aki no ta trata solamente sentronan di buseo, pero tambe kompanianan òf personanan ku ta ofresé servisionan i ta hür aparato

pa snòrkel pa windsurf, kitesurf, ski, parasail. Kompanianan òf persona nan ku ta ofresé taksi di laman, òf kayak, òf ta hür boto di motor òf pa zeilu tambe por hasi e kobransa.

Turistanan ku ke landa den e parke supmarino por paga na nan hotèl, na ofisina di turismo òf na STINAPA. Ora paga e kliente ta risibí un komprobante di pago ku ta konsistí di un ficho òf un resibu òf tur dos. No por traspasá e komprobante di pago na otro personanan. E persona òf e kompania ku ta hasi e kobransa ta outorisá pa kontrolá ku e klientenan tin nan komprobante di pago.

Bishitantenan di un parke naturalesa riba tera por paga na e entrada di parke.

Uso komersial

No ta solamente esnan ku ta dibertí ta hasi uso di nos parke supmarino. Personanan i kompanianan ku ta ofresé nan servisio na sambuyadónan òf otro deportistanan di e deporte nótiko tambe ta hasi uso di e parke supmarino. Sin e parke supmarino nan kompania lo no por eksistí.

P'esei ta mas ku hustu ku e personanan i kompanianan tambe ta paga pa hasi uso di e parke

supmarino i asina kontribuí na maneho di e parke marítimo. Dunamentu di lès di landamentu no ta paga pa hasi uso di e parke supmarino.

Pa guianan den naturalesa òf kompanianan ku ta organisá eskurshon na tera tambe mester paga pa e uso.

Uso pa konstrukshonnan

E Parke Supmarino Nashonal Bonaire ta enserá e isla kompletu. Esaki ta algu úniko. Pa motibu ku un bui, na kua un boto por mara, i wafnan, plataformanan i trapinan ku ta duna aksesu na e parke maritimo ta situá den e parke nashonal di naturalesa. E buinan, e konstrukshonnan òf e ophetonan ta permanente den e parke supmarino i ta konstantemente den uso. Ta lógiko ku pa hasi uso mester paga. Den e pèrmit ta menshoná tambe uso di e konstrukshonnan. Pa un bui e tarifa ta \$280,- pa aña. Esaki ta konta desde 1996 . Pa otro konstrukshon i opheto ta pa promé bes ku ta stipulá un tarifa. Den e tabèl ku ta sigui tin e preisnan pa aña indiká pa uso di konstrukshonnan den e parke supmarino.

Tarifanan di pago pa uso di parke supmarino na 1 yanüari 2011

- entrada pa esnan ku ta bin dibertí \$ 10,00 (Naf 17,50) pa aña;
- entrada pa sambuyadónan \$ 25,00 (Naf 43,75) p.p pa aña;
\$ 10,00 (Naf 17,50) p.p pa dia;
- un bui \$ 280,00 (Naf 500,00) pa aña;
- pa uso di bui na kosta di Kralendijk \$ 10,00 Naf 17,50) pa anochi.

Na 1 Yanüari 2012 tambe tin tarifanan pa:

- manehá un kompania;
- un trapi, waf i otro konstrukshon;
- un bich konstruí òf yená.

NOS NATURESA TA NOS TESORO!

E boletin informativo aki ta kontené un reprodukshon kòrtiku i liber di e disposishonnan legal. Den kaso di un konflikto bo no por basa bo mes riba e publikashon aki. Den un kaso asina konsultá semper e leinan i e areglonan.



Kolofon:

Boletin informativo Medio Ambiente i Naturalesa nr. 0111 05 P
yanüari 2011

Identidat Públiko Bonaire
Dienst Ruimtelijke Ontwikkeling en Beheer
Sekshon Medio Ambiente i Maneho di Naturalesa
Kaya Amsterdam 23
Kralendijk
Tel: 717 - 8130
Faks: 717 - 6980

www.bonairegov.an